

**ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНинг  
ҚАРОРИ**

**ТЕХНИКУМЛАРНИ МУВАФФАҚИЯТЛИ ТАМОМЛАГАН БИТИРУВЧИЛАРНИ  
ОЛИЙ ТАЪЛИМ МУАССАСАЛАРИНИНГ БАКАЛАВРИАТ ТАЪЛИМ  
ЙЎНАЛИШЛАРИГА СУҲБАТ АСОСИДА ЎҚИШГА ҚАБУЛ ҚИЛИШ ТАРТИБИ  
ТҮҒРИСИДАГИ НИЗОМНИ ТАСДИҚЛАШ ҲАҚИДА**

Ўзбекистон Республикаси Президентининг «Профессионал таълим тизимини янада такомиллаштиришга доир қўшимча чора-тадбирлар тўғрисида» 2019 йил 6 сентябрдаги ПФ-5812-сон **Фармонида** белгиланган вазифалар ижросини таъминлаш ҳамда ўрта маҳсус профессионал таълим босқичида малакали ва рақобатбардош кадрлар тайёрлаш, олий ва профессионал таълим муассасаларининг ўзаро интеграциясини таъминлаш мақсадида Вазирлар Маҳкамаси қарор қиласди:

1. Ўзбекистон Республикаси Президентининг «Профессионал таълим тизимини янада такомиллаштиришга доир қўшимча чора-тадбирлар тўғрисида» 2019 йил 6 сентябрдаги ПФ-5812-сон Фармони **3-бандига** мувофиқ 2022/2023 ўкув иили қабулидан бошлаб техникумларда ўрта маҳсус таълим дастурларини муваффакиятли тамомлаган битирувчилар ўз соҳасига мос бакалавриат таълим йўналишлари бўйича кириш имтиҳонларисиз якка тартиbdаги сұхбат орқали олий таълим муассасаларида 2-босқичдан ўқишини давом эттириш хуқуқига эга бўлиши белгиланганлиги маълумот учун қабул қилинсин.

2. Қуйидагиларни назарда тутувчи Техникумларни муваффакиятли тамомлаган битирувчиларни олий таълим муассасаларининг бакалавриат таълим йўналишларига сұхбат асосида ўқишига қабул қилиш тартиби тўғрисидаги низом **иловага** мувофиқ тасдиқлансанн:

техникумни муваффакиятли тамомлаган шахслар тоифаси (техникумдаги бутун ўқиш даврида ўкув семестрлари якунига кўра ўзлаштириш баҳолари «5 (аъло)» ва «4 (яхши)», бироқ ўзлаштириш баҳоларининг камида 50 фоизи (тиббиёт олий таълим муассасалари учун камида 85 фоизи) «5 (аъло)» бўлган битирувчилар)ни белгилаш;

Олий ва ўрта маҳсус таълим вазирлигининг расмий веб-сайти орқали битирувчиларни онлайн рўйхатдан ўтказиш;

олий таълим муассасалари қабул комиссиялари томонидан битирувчиларнинг тизимга юклangan ҳужжатларини ўрганиш ва ўрганиш натижалари бўйича битирувчига хабар бериш;

олий таълим муассасалари ректорлари (филиал директорлари) томонидан бакалавриат таълим йўналишлари бўйича 9 нафардан кам бўлмаган таркибда Сұхбат комиссиясини тузиш;

битирувчиларни олий таълим муассасаларига ўқишига қабул қилиш бўйича ўтказиладиган сұхбат жараёнлари олий таълим муассасалари қабул комиссиялари ҳамда Сұхбат комиссиялари томонидан ташкил этилиши;

талабаликка тавсия этилган битирувчилар рўйхатини олий таълим муассасасининг расмий веб-сайтида эълон қилиш ҳамда уларга тўлов-контракт бланкаларини бериш;

тўлов-контракт шартларини тўлиқ бажарган битирувчиларнинг олий таълим муассасалари ректорлари (филиал директорлари) томонидан тегишли бакалавриат таълим йўналишининг 2-босқичига талабаликка ўқишига қабул қилиниши.

3. Олий ва ўрта маҳсус таълим вазирлиги:

уч ой муддатда техникумларни муваффакиятли тамомлаган битирувчиларни олий таълим муассасаларига кириш имтиҳонларисиз, якка тартиbdаги сұхбат орқали ўз соҳасига мос бакалавриат таълим йўналишларига қабул қилиш учун уларни онлайн рўйхатдан ўтказиш бўйича Олий таълим муассасаларини ривожлантириш жамғармаси ҳисобидан электрон тизимни ишлаб чиқсан ва ишга туширсин;

манбаатдор вазирликлар ва идоралар билан биргаликда ўzlари қабул қилган норматив-хуқуқий ҳужжатларни бир ой муддатда ушбу қарорга мувофиқлаштирун.

4. Мазкур қарорнинг бажарилишини назорат қилиш Ўзбекистон Республикаси олий ва ўрта маҳсус таълим вазири А.Х. Тошкулов зиммасига ҳамда Вазирлар Маҳкамасининг Таълим ва соғлиқни сақлаш масалалари котибиятига юклансин.

### **Ўзбекистон Республикасининг Бош вазири А. АРИПОВ**

Тошкент ш.,  
2022 йил 11 январь,  
17-сон

Вазирлар Маҳкамасининг 2022 йил 11 январдаги 17-сон **карорига**  
**ИЛОВА**

### **Техникумларни муваффақиятли тамомлаган битирувчиларни олий таълим муассасаларининг бакалавриат таълим йўналишларига сухбат асосида ўқишга қабул қилиш тартиби тўғрисида**

#### **НИЗОМ**

##### **1-боб. Умумий қоидалар**

1. Мазкур Низом техникумларни муваффақиятли тамомлаган битирувчиларни (кейинги ўринларда — битирувчилар) ўз соҳасига мос бакалавриат таълим йўналишларига кириш имтиҳонларисиз, якка тартибдаги сухбат орқали олий таълим муассасаларининг 2-босқичидан ўқишини давом эттириш учун қабул қилиш тартибини белгилайди.

Ушбу Низом олий ҳарбий, олий ҳарбийлаштирилган таълим муассасаларига, Тошкент давлат юридик университетига, Ўзбекистонда фаолият олиб бораётган хорижий ва нодавлат олий таълим ташкилотлари ҳамда уларнинг филиалларига нисбатан татбиқ этилмайди.

2. Битирувчилар олий таълим муассасаларининг 2-босқичидан ўқиши давом эттириши мумкин бўлган ўз соҳасига мос бакалавриат таълим йўналишлари рўйхати Ўзбекистон Республикаси Олий ва ўрта маҳсус таълим вазирлиги томонидан тасдиқланади.

3. Битирувчиларни олий таълим муассасаларига кириш имтиҳонларисиз, якка тартибдаги сухбат орқали бакалавриат таълим йўналишларининг 2-босқичидан ўқиши қабул қилиш тўлов-контракт асосида амалга оширилади.

Тўлов-контракт асосида ўқитишнинг тўлов миқдори бир талабани ўқитиш билан боғлиқ харажатлар миқдоридан келиб чиқиб белгиланади.

4. Техникумни муваффақиятли тамомланалар тоифасига техникумдаги бутун ўқиши даврида ўқув семестрлари якунига кўра ўзлаштириш баҳолари «5 (аъло)» ва «4 (яхши)», бироқ ўзлаштириш баҳоларининг камида 50 фоизи (тиббиёт олий таълим муассасалари учун камида 85 фоизи) «5 (аъло)» бўлган битирувчилар киради.

2021/2022 ўқув йилидан бошлаб битирувчиларни олий таълим муассасаси бакалавриат таълим йўналишига кириш имтиҳонларисиз, якка тартибдаги сухбат орқали қабул қилиш тартиби техникумни тамомлаган йилдан бошлаб икки йил мобайнида татбиқ этилади.

Юқорида қайд этилган тоифага кирмайдиган ҳамда техникумни битирганига икки йилдан ошганлар ўқишига кириш истагини билдирганда, уларни олий таълим муассасаларининг бакалавриат таълим йўналишларига ўқишига қабул қилиш умумий белгиланган тартибда амалга оширилади.

5. Битирувчиларни ўз соҳасига мос бакалавриат таълим йўналишларига сухбат асосида ўқишига қабул қилиш ушбу Низомга **1-иловага** мувофиқ схема асосида амалга оширилади.

##### **2-боб. Ҳужжатларни қабул қилиш**

6. Битирувчиларни олий таълим муассасасининг 2-босқичидан ўқишига қабул қилиш учун ҳар йили олий таълим муассасаси ректори (филиал директори) буйруғи билан қабул комиссияси тузилади.

Олий таълим муассасаси ректори (филиал директори) қабул комиссиясининг раиси ҳисобланади.

7. Битиравчилар ҳар йили 5 июлдан 25 июлга қадар Ўзбекистон Республикаси Олий ва ўрта маҳсус таълим вазирлигининг расмий веб-сайти орқали онлайн рўйхатдан ўтадилар.

8. Битиравчилар олий таълим муассасаларининг бакалавриат таълим йўналишлари бўйича рўйхатдан ўтишида тизимга шахсий маълумотларини киритиши ва қуидаги хужжатларни юклashi талаб этилади:

паспорт ёки ID-карта нусхаси;

техникумни битирганлик тўғрисидаги хужжат ва унга илованинг нусхаси.

Олий ва ўрта маҳсус таълим вазирлиги томонидан вазирликнинг расмий веб-сайти орқали битиравчиларни рўйхатдан ўtkазish жараёнлари мувофиқлаштирилиб борилади.

9. Онлайн рўйхатдан ўтган битиравчиларнинг тизимга юклangan хужжатлари олий таълим муассасалари қабул комиссиялари томонидан ҳар йили 5 августга қадар ўрганиб чиқилади ва ўрганиш натижалари бўйича абитуриентларнинг шахсий кабинети орқали уларга хабар берилади.

10. Битиравчилар томонидан топширилган хужжатларнинг қалбакилиги аниқланганда, у сухбатдан (талабаликка қабул қилингандан кейин аниқланса, талабаликдан) четлаштирилади ҳамда хужжатлари белгилangan тартибда хукуқни муҳофаза қилувчи органларга юборилади.

### **3-боб. Сухбат жараёнини ташкил этиш ва ўтказиш**

11. Олий таълим муассасаси ректори (филиал директори) ҳар йили 10 августга қадар ўз буйруғи билан ҳар бир таълим йўналиши бўйича алоҳида Сухбат комиссиясини тузади.

Сухбат комиссияси 9 нафардан кам бўлмаган таркибда тузилади ва унинг таркибига кадрларнинг асосий иш берувчилари бўлган ташкилотлар ва олий таълим муассасаси бўйсунуви бўйича вазирликлар ва идораларнинг масъул ходимлари, соҳага тааллуқли техникумнинг малакали ўқитувчиси ҳамда бошқа олий таълим муассасасининг тегишли соҳа бўйича профессор-ўқитувчиси киритилади.

12. Техникумларни муваффақиятли тамомлаган битиравчиларни олий таълим муассасаларига ўқишга қабул қилиш бўйича сухбат жараёни тўлиқ видеокузатув остида ўтказилади ва жараён ота-оналар, кузатувчилар учун ажратилган алоҳида кутиш жойига овозли тарзда онлайн трансляция қилиб борилади.

Сухбат жараёни тўлиқ ва сифатли видеокузатув остида ўтказилишини ва видеоёзувларнинг камидаги уч йил олий таълим муассасасида сақланишини таъминлаш масъулияти шахсан олий таълим муассасаси ректори (филиал директори) зиммасига юклатилади.

13. Битиравчиларни олий таълим муассасаларига ўқишга қабул қилиш бўйича ўтказиладиган сухбат жараёни ҳар йили 10 августдан 25 августгача, олий таълим муассасаси томонидан белгилangan муддатда, Сухбат комиссияси таркибининг камидаги учдан икки қисми иштирок этган тақдирда ўтказилади.

Сухбат ўтказиш муддатлари сухбат жараёнлари бошланишидан камидаги бир хафта олдин олий таълим муассасасининг расмий веб-сайтида эълон қилинади.

Сухбат жараёнига жамоатчилик вакиллари ҳам холис кузатувчи сифатида жалб этилиши мумкин.

14. Белгилangan муддатларда сухбатга келмаган битиравчиларга шу ўқув йили учун қайта сухбат ўтказилмайди ва улар олий таълим муассасаси бакалавриат таълим йўналишининг 2-босқичидан ўқишга қабул қилинмайди.

Битиравчи узрли сабабларга кўра (касаллиги, хизмат сафарида бўлганлиги ёки оила аъзоларининг вафот этганлигини тасдиқловчи хужжатни тақдим этганда) сухбатда иштирок эта олмайдиган бўлса ёки иштирок этмаса, сухбат ўтказилган санадан уч кундан кечикмай олий таълим муассасасида тузилган қабул комиссиясига мурожаат этиши лозим. Мазкур тоифадаги битиравчилар учун сухбат жараёнлари тўлиқ якунланганидан сўнг бир хафта муддат ичидаги қўшимча сухбат ўтказилади.

15. Сұхбат жараёнида бити्रувчиларнинг ҳар бирига қуидаги мавзулар бўйича биттадан жами тўртта савол берилади:

мамлакатда ўз соҳасига оид амалга оширилаётган ислоҳотларнинг моҳияти ва аҳамиятини тушуниш;

бакалавриат таълим йўналишини танлашда мотивация (соҳа касбининг моҳияти ва ижтимоий аҳамиятини тушуниш, унга доимий қизиқиши кўрсатиш);

шахсий-касбий хусусиятлар (ўқишига қобилият, касбий вазифаларни ҳал қилишда амалий фаолият, интизомлилик, ҳамжиҳатлик, масъулиятлилик, қарор қабул қилишда мустақиллик даражаси, шахсий ютуқлар мавжудлиги, шунингдек, ўз устида ишлаш ва ижодкорлик қобилиятлари);

танланган бакалавриат таълим йўналиши соҳасидаги билим ва касбий кўникмаларнинг мавжудлиги.

Жами тўплаш мумкин бўлган энг юқори балл 100 баллни ташкил этади.

Мазкур саволлар бўйича баҳолаш мезонлари тегишли олий таълим муассасаси томонидан ишлаб чиқилиб, тасдиқланади ҳамда уларнинг расмий веб-сайтларида эълон қилинади.

16. Саволлар олий таълим муассасаси қабул комиссияси томонидан ишлаб чиқилиб, қабул комиссияси раиси томонидан тасдиқланади.

Саволлар мазкур Низомнинг **15-бандида** назарда тутилган мавзуларга мос тузилганлиги бўйича масъулият қабул комиссияси раиси зиммасига юклатилади.

17. Сұхбат жараёнида Сұхбат комиссиясининг ҳар бир аъзосига ушбу Низомга **2-иловага** мувофиқ намунавий шаклдаги бити्रувчининг сұхбат натижаларини қайд этиш варағи (кейинги ўринларда — сұхбат натижаларини қайд этиш варағи) берилади.

Сұхбат комиссияси аъзолари томонидан сұхбат натижаларини қайд этиш варағига ҳар бир бити्रувчи билан ўтказилган сұхбат натижасига кўра балл белгилаб борилади ва имзоланади.

18. Муайян таълим йўналиши (гурух) бўйича сұхбат жараёни якунлангач Сұхбат комиссияси аъзолари томонидан тўлдирилган сұхбат натижаларини қайд этиш варақларидаги баллар ҳисоблаб чиқилади ва шу асосида ушбу Низомга **3-иловага** мувофиқ намунавий шаклдаги бити्रувчи билан ўтказилган сұхбатнинг якуний натижаларини қайд этиш варағи (кейинги ўринларда — сұхбатнинг якуний натижаларини қайд этиш варағи) тўлдирилиб, Сұхбат комиссияси томонидан тасдиқланади.

Сұхбат комиссияси томонидан тасдиқланган сұхбатнинг якуний натижаларини қайд этиш варағига асосан Сұхбат комиссиясининг иштирок этган аъзолари томонидан қўйилган балларнинг ўртачаси 67 балл ва ундан юқори бўлганда абитуриент сұхбатдан ўтган ҳисобланади.

Муайян таълим йўналиши (гурух) бўйича ўтказилган сұхбат натижаларига кўра сұхбатдан ўтганлар рўйхати шу куннинг ўзида абитуриентларга ўқиб эшиттирилади.

19. Олий таълим муассасасида сұхбатлар ўтказилиши даврида белгиланган тартибда апелляция шикоятларини кўриб чиқиши учун апелляция комиссияси ташкил этилади.

Апелляция шикоятлари сұхбат натижалари эълон қилинган вақтдан бошлаб 24 соат ичida олий таълим муассасасида тўғридан-тўғри ёзма шаклда ёки Олий ва ўрта маҳсус таълим вазирлигининг расмий веб-сайти орқали онлайн шаклда қабул қилинади ва апелляция комиссияси томонидан мурожаат қилганларнинг сонидан келиб чиқкан ҳолда бир кундан уч кунгacha бўлган муддатда видеоёзув асосида кўриб чиқилади.

20. Сұхбат натижаларига кўра талабаликка тавсия этилганлар тўғрисидаги маълумотлар натижалар эълон қилинган кундан бошлаб уч кун муддатда олий таълим муассасаси ректори (филиал директори) томонидан бўйсунуви бўйича вазирлик, идорага тақдим этилади.

21. Сұхбат комиссиясининг сұхбат натижаларини қайд этиш ҳамда сұхбатнинг якуний натижаларини қайд этиш варақлари уч йил олий таълим муассасасида сақланади.

22. Сұхбат комиссияси аъзолари мәхнатига ҳақ түлаш олий таълим муассасалари талабаларига ўқув машғулотларини олиб борганлик учун белгиланған соатбай ҳақ түлаш шартларыда олий таълим муассасасининг бюджетдан ташқари түлов-контракт маблағлари хисобидан амалга оширилади.

#### **4-боб. Түлов-контракт асосида талабаликка қабул қилиш**

23. Сұхбат комиссияси томонидан тасдиқланған сұхбатнинг якуний натижаларини қайд этиш варағига асосан бити्रувчилар ўз соҳасига мос бакалавриат таълим йўналишининг 2-босқичидан ўқишини давом эттириш учун олий таълим муассасаси ректори (филиал директори) томонидан талабаликка тавсия этилади.

24. Талабаликка тавсия этилганларнинг умумий рўйхати сұхбат жараёни тўлиқ якунланғандан сўнг бир кун муддатда олий таълим муассасасининг веб-сайтида эълон қилинади ва шу кундан бошлаб уларга белгиланған намунағаги түлов-контракт бланкалари олий таълим муассасаси қабул комиссияси томонидан берилади.

25. Талабаликка тавсия этилганлар учун тўлов ҳар йили контракт шартларida кўрсатилган муддатларда амалга оширилади.

Контракт шартлари, томонларнинг хукуқлари ва мажбуриятлари, уларни амалга ошириш тартиби қонунчилик ҳужжатларига мувофиқ белгиланади.

26. Сұхбат комиссияси томонидан тасдиқланған сұхбатнинг якуний натижаларини қайд этиш варағига асосан талабаликка тавсия этилганлар белгиланған муддатларда тўлов-контракт шартлари бажарилғандан сўнг олий таълим муассасаси ректорининг буйруғи билан муайян бакалавриат таълим йўналишининг 2-босқичига ўқишга қабул қилинади.

#### **5-боб. Якунловчи қоидалар**

27. Мазкур Низомни қўллашда юзага келадиган низолар қонунчилик ҳужжатларida белгиланған тартибда ҳал этилади.

28. Ушбу Низом талаблари бузилишида айбор бўлган шахслар қонунчилик ҳужжатларига мувофиқ жавоб берадилар.

Техниумларни муваффакиятли тамомлаган битиувчиларни олий таълим муассасаларининг  
бакалавриат таълим йўналишларига сұхбат асосида ўқишга қабул қилиш тартиби тўғрисидаги  
**НИЗОМГА**  
**1-ИЛОВА**

**Техниумларни муваффакиятли тамомлаган битиувчиларни олий таълим  
муассасаларининг бакалавриат таълим йўналишларига сұхбат асосида ўқишга қабул  
қилиш**

**СХЕМАСИ**

<b>Босқичлар</b>	<b>Субъектлар</b>	<b>Тадбирлар</b>	<b>Бажариш муддати</b>
1-босқич	Техниумни муваффакиятли тамомлаган (ўзлаштириш баҳолари «5 (аъло)» ва «4 (яхши)», бироқ баҳоларнинг камидаги 50 фоизи (тиббиёт олий таълим муассасалари учун камидаги 85 фоизи) «5 (аъло)» бўлган) битиувчи	Олий ва ўрта маҳсус таълим вазирлигининг расмий веб-сайти орқали онлайн рўйхатдан ўтади.	Ҳар йили 5 июлдан 25 июлга қадар
2-босқич	Олий таълим муассасалари қабул комиссиялари	1. Битиувчиларнинг тизимга юкланган хужжатларини ўрганади. 2. Ўрганиш натижалари бўйича битиувчига шахсий кабинети орқали хабар беради.	Ҳар йили 5 августга қадар
3-босқич	Олий таълим муассасалари ректорлари (филиаллар директорлари)	Бакалавриат таълим йўналишлари бўйича 9 нафардан кам бўлмаган таркибда Сұхбат комиссиясини тузади.	Ҳар йили 10 августга қадар
4-босқич	Олий таълим муассасалари қабул комиссиялари ҳамда Сұхбат комиссиялари	Битиувчиларни олий таълим муассасаларига ўқишга қабул қилиш бўйича ўтказиладиган сұхбат жараёнларини ташкил этади.	Ҳар йили 10 августдан 25 августга қадар
5-босқич	Олий таълим муассасалари қабул комиссиялари	1. Талабаликка тавсия этилганлар рўйхатини олий таълим муассасасининг расмий	Сұхбат жараёни тўлиқ якунлангандан сўнг 1 кун

		веб-сайтида эълон қилади. 2. Тўлов-контракт бланкаларини талабаликка тавсия этилганларга беради.	муддатда
--	--	---	----------

6-босқич	Олий таълим муассасалари ректорлари (филиаллар директорлари)	Тўлов-контракт шартларини тўлиқ бажарган талабаларни тегишли бакалавриат таълим йўналишининг 2-босқичига ўқишга қабул қилади.	Шартнома тўлови амалга оширилгандан сўнг 10 кун муддатда
----------	--	---	--

Техникумларни муваффақиятли тамомлаган битирувчиларни олий таълим муассасаларининг бакалавриат таълим йўналишларига сұхбат асосида ўқишга  
қабул қилиш тартиби тўғрисидаги **НИЗОМГА**  
**2-ИЛОВА**

Техникумларни муваффақиятли тамомлаган битирувчилар билан олий таълим муассасаларига ўқишга кириш имтиҳонларидаги сұхбат натижаларини қайд  
этиш вараги

(олий таълим муассасаси номи)

(таълим йўналиши номи)

(таълим шакли)		(таълим тили)					(сана)	
T/p	Битирувчининг Ф.И.О.	Битирувчига қўйилган балл					Сұхбат комиссияси аъзосининг имзоси	
		Жами	1-савол	2-савол	3-савол	4-савол		
1.								
2.								
3.								
4.								
...	...	...	...	...	...	...	...	

Сұхбат комиссияси аъзоси \_\_\_\_\_

(Ф.И.О.)

(имзо)

Техниумларни муваффақиятли тамомлаган битирувчиларни олий таълим муассасаларининг  
бакалавриат таълим йўналишларига сұхбат асосида ўқишга қабул қилиш тартиби тўғрисидаги  
**НИЗОМГА**  
**З-ИЛОВА**

**Техниумларни муваффақиятли тамомлаган битирувчилар билан олий таълим муассасаларига ўқишга кириш  
имтиҳонларида ўтказилган сұхбатнинг якуний натижаларини қайд этиш варағи**

(олий таълим муассасаси номи)

(таълим йўналиши номи)

(таълим шакли)

(таълим тили)

(сана)

T/p	Битирувчининг Ф.И.О.	Комиссия аъзолари сони	Жами тўплаган бали	Ўртacha бали
1.				
2.				
3.				
4.				
...	...	...	...	...

Сұхбат комиссияси раиси

(Ф.И.О.)

(имзо)

Сұхбат комиссияси аъзолари

(Ф.И.О.)

(имзо)

(Ф.И.О.)

(имзо)

(Ф.И.О.)

(имзо)

(Ф.И.О.)

(имзо)

*(Конунчилик маълумотлари миллий базаси, 12.01.2022 й., 09/22/17/0012-сон)*